

Oraculum Pythium.

Apollinem Pythium cum credere nemo possit mendosis hexametris allocutum esse homines, versum illum notissimum ferendum non esse apparet qualis traditur his verbis:

ἅ φιλοχρηματία Σπάρταν ὀλεῖ, ἄλλο δὲ οὐδέν κτλ.

Bergkii, qui quo iure doricæ formas servaverit totumque oraculum rettulerit ad Tyrtaeum (frgm. 3, 1), hic quidem nihil ad rem, hiatum tollere studuit coniectura dubitanter proposita: ἄλλο δὲ κ' οὐδέν. Sed hoc desperantis est de emendatione. Mihi scribendum videtur:

ἅ φιλοχρηματία Σπάρταν ὀλεῖ, ἄλλ' ὀλεῖ οὐδέν.

Quis enim non videat cum nihil fere discriminis intercedere inter ΑΛΛΟΛΕ et ΑΛΛΟΔΕ, in quo antiquis ε esset pro ει, tum repetitum illud ὀλεῖ oraculi sollemnitati concinnaeque gravitati apprime convenire?

Scr. Gissae pridie Kal. Ian. a. 1872.

Guil. Clemm.
